

Narod i pravda - Elvedin Okerić

Samostalna zastupnica - Elza Gaković

Sarajevo, 15.10.2025. godine

ZA:

Ministarstvo unutrašnjih poslova Kantona Sarajevo

Vlada Kantona Sarajevo

Ministarstvo komunikacija i prometa Bosne i Hercegovine

U skladu sa članom 106. i 213. Poslovnika o Skupštine Kantona Sarajevo, dostavljamo:

Zastupnička inicijativa

Pokrećemo zastupničku inicijativu za izmjenu i dopunu Zakona o osnovama sigurnosti saobraćaja na putevima u Bosni i Hercegovini ("Službeni glasnik Bosne i Hercegovine", br. 6/2006, 75/2006 - ispravka, 44/2007, 84/2009, 48/2010, 48/2010 - drugi zakon, 18/2013, 8/2017, 89/2017, 9/2018, 46/2023 i 88/2023), (u daljem tekstu: Zakona) u smislu dopune člana 73. i izmjene člana 238.

Navedena izmjena i dopuna Zakona se odnosi na pooštavanje kaznenih odredbi na osnovu kojih se sankcionišu počinioci prekršaja koji se parkiraju na mjestima rezervisanim za taksi stajališta.

O b r a z l o ž e n j e

Pokrenutom inicijativom za izmjenu i dopunu Zakona u članu 73. stav (1) dodaje se nova tačka 14), koja glasi: „14) taksi stajalištima.“.

Na ovaj način dio Zakona koji se odnosi na zaustavljanje i parkiranje, dopunjuje se u članu 73. stav (1) sa tačkom 14) koja se odnosi na to da vozač ne smije da zaustavi ili parkira vozilo naročito: *na taksi stajalištima*, jer ranije odredbe važećeg Zakona nisu prepoznale i definisale pojam taksi stajališta kao posebno izgrađenu i označenu saobraćajnu površinu, te se parkiranje i zaustavljanje na navedenom stajalištu nije direktno zakonski karakterisalo kao tako.

Nadalje, u vezi sa gore u tekstu navedenom dopunom člana, mijenja se i član 238. stav (1) tačka 14a) i glasi:

„14a) Izuzetno, vozač koji zaustavi ili parkira svoje vozilo protivno odredbama člana 73. stav (1) tačka 12) i 14) kazniće se novčanom kaznom u iznosu od 200,00 KM.“,

ili

„14a) Izuzetno, vozač koji zaustavi ili parkira svoje vozilo protivno odredbama člana 73. stav (1) tačka 12) kazniće se novčanom kaznom u iznosu od 200,00 KM, a ako vozač zaustavi ili parkira svoje vozilo protivno odredbama člana 73. stav (1) tačka 14) kazniće se novčanom kaznom u iznosu od 200KM.“

Na ovaj način, nakon što je član 73. stav (1) dopunjen sa tačkom 14) kojom se definisalo i prepoznalo taksi stajalište kao posebna i označena saobraćajna površina na kojoj se ne smije vršiti zaustavljanje i parkiranje vozila, izmjenom člana 238. stav (1) tačka 14a) za prekršaje nesavjesnih vozača koji se parkiraju na mjestima rezervisanim za taksi stajališta, novčana kazna za ovaj prekršaj će biti povećana sa 40 KM na 200 KM.

Smatramo da bi se zbog sve učestalijih pojava nesavjesnih vozača koji parkiranjem na taksi stajalištima ometaju taksi vozače da nesmetano obavljaju svoju djelatnost, navednim izmjenama i dopunama Zakona i povećanjem kazne sa 40 KM na 200 KM za nepropisno parkiranje na površinama rezervisanim za parkiranje taksi vozila, povećao kvalitet i efikasnost taksi usluga.

ZAKON O IZMJENAMA I DOPUNAMA ZAKONA O OSNOVAMA SIGURNOSTI
SAOBRAĆAJA NA PUTEVIMA BOSNE I HERCEGOVINE

Član 1.

U Zakonu o osnovama sigurnosti saobraćaja na putevima u Bosni i Hercegovini ("Službeni glasnik Bosne i Hercegovine", br. 6/2006, 75/2006 - ispravka, 44/2007, 84/2009, 48/2010, 48/2010 - drugi zakon, 18/2013, 8/2017, 89/2017, 9/2018, 46/2023 i 88/2023), u članu 73. stav (1) dodaje se nova tačka 14) , koja glasi:

„14) taksi stajalištima.“

Član 2.

U članu 238. stav (1) tačka 14a) mijenja se i glasi:

„14a) Izuzetno, vozač koji zaustavi ili parkira svoje vozilo protivno odredbama člana 73. stav (1) tačka 12) i 14) kazniće se novčanom kaznom u iznosu od 200,00 KM.“,

ili

„14a) Izuzetno, vozač koji zaustavi ili parkira svoje vozilo protivno odredbama člana 73. stav (1) tačka 12) kazniće se novčanom kaznom u iznosu od 200,00 KM, a ako vozač zaustavi ili parkira svoje vozilo protivno odredbama člana 73. stav (1) tačka 14) kazniće se novčanom kaznom u iznosu od 200 KM.“